

Sveitarfélagið Hornafjörður
Hafnarbraut 27
780 Höfn

Reykjavík, 14. október 2019
UST201905-100/S.M.
08.14.02

Lokunareftirlit í aflagða sorpbrennslu Sorporkustöðvar Hofshrepps


Þann 11. september sl. fór fram lokunareftirlit í aflagða sorpbrennslustöð Sorporkustöðvar Hofshrepps að Svínafelli í Örafum. Í samræmi við 57. grein reglugerðar nr. 550/2018 um losun frá atvinnurekstri og mengunarvarnaeftirlit sendist meðfylgjandi eftirlitsskýrsla.


Engin ábending var gerð í eftirlitinu en eitt frávik kom fram er varðar:

a- og h-lið 38. gr. laga nr. 7/1998 um hollustuhætti og mengunarvarnir. Rekstraraðilar atvinnurekstrar skulu tryggja að gerðar séu allar viðeigandi ráðstafanir til að koma í veg fyrir mengun frá starfsemi þeirra og að allar nauðsynlegar ráðstafanir séu gerðar þegar starfsemi er stöðvuð endanlega til að komast hjá allri hættu á mengun og koma staðnum, þar sem starfsemin fer fram, aftur í viðunandi horf eins og skilgreint er í 16. gr. Frágangi á brennsluofni og búnaði er ekki lokið.

Umhverfisstofnun óskar í því sambandi eftir tímasettri áætlun um úrbætur á framangreindum atriðum í samræmi við 58. grein reglugerðar nr. 550/2018 og að áætlunin berist stofnuninni eigi síðar en 4. nóvember, 2019.

Virðingarfyllt


Sigríður Magnúsdóttir


Gottskálk Friðgeirsson

Afrit: Heilbrigðisnefnd Austurlands

EFTIRLITSSKÝRSLA

Sveitarfélagið Hornafjörður Brennuflosi



Dags eftirlits	11.9.2019	Ábyrgðarmaður eftirlits	Sigríður Magnúsdóttir
Fyrirtæki	Sveitarfélagið Hornafjörður	Eftirlitsmaður	
Heimili	Hafnarbraut 27	Tegund eftirlits	Lokunareftirlit
Kennitala	5901694639	Flokkur	Úrgangur og efnamóttaka
Fulltrúi fyrirtækis	Borgþór Freysteinsson	ÍSAT nr.	
Fulltrúi fyrirtækis	Bartosz Skrzypkowski	Staðsetning	606177,965 382904,834

NIÐURSTAÐA EFTIRLITS

Frágangur á urðunarstað er í samræmi við lokunaráætlun og fyrirmæli um frágang og vöktun og telst því lokið. Frágangi á brennsluofni og tilheyrandi búnaði er ekki lokið og telst það frávik frá lögum nr. 7/1998 um hollustuhætti og mengunarvarnir er varðar meginreglur um grundvallarskyldur rekstraraðila við stöðvun starfsemi.

UMFANG EFTIRLITS

Starfsleyfi fyrir Sorporkustöð Hofshrepps var gefið út af Hollustuvernd ríkisins 21. júní 1993. Sorporkustöðinni var lokað árið 2011 og fyrirmæli um frágang og vöktun urðunarstaðarins voru gefin út 10. apríl 2013. Í bréfi frá sveitarfélaginu Hornafirði til Umhverfisstofnunar dags. 8. september 2011 kemur fram að ofn sorpbrennslunnar hafi verið aftengdur, ætlunin sé að taka hann niður um veturinn og koma í endanlega förgun.

Farið var í lokunareftirlit í aflagða Sorporkustöð Hofshrepps og á urðunarstað sem henni tilheyrði og gerð úttekt á frágangi urðunarstaðarins og sorpbrennslunnar.

Frágangi á urðunarstaðnum er lokið og lítil sem engin ummerki um að þar hafi farið fram urðun.

Frágangi sorpbrennslunnar er ekki lokið. Skorsteinn hefur verið fjarlægður en brennsluofn og tilheyrandi búnaður hefur staðið óhreyfður frá því að sorpbrennslunni var lokað.

Frávik frá

a og h-lið 38. gr. laga nr. 7/1998 um hollustuhætti og mengunarvarnir

Lýsing á frávik

Rekstraraðilar atvinnurekstrar skulu tryggja að gerðar séu allar viðeigandi ráðstafanir til að koma í veg fyrir mengun frá starfsemi þeirra og að allar nauðsynlegar ráðstafanir séu gerðar þegar starfsemi er stöðvuð endanlega til að komast hjá allri hættu á mengun og koma staðnum, þar sem starfsemin fer fram, aftur í viðunandi horf eins og skilgreint er í 16. gr. Frágangi á brennsluofni og búnaði er ekki lokið.

- 1 Frávik: Framkvæmd telst ekki í samræmi við kröfur sem settar eru fram í starfsleyfi, lögum eða reglugerðum.
- 2 Athugasemd: Ástand sem eftirlitsmaður telur vert að vekja athygli á í þágu heilsuverndar, umhverfisverndar og öryggis en sem ekki geta talist frávik.

Reykjavík, 14.10.2019

Sigríður Magnúsdóttir

Sigríður Magnúsdóttir